



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Opera Mystica V. Ac Mystici Doctoris F. Ioannis A Crvce  
Primi Religiosi Discalceati Ordinis B. V. M. De Monte  
Carmelo Et Seraphicæ Virginis Theresiæ fidelissimi  
coadiutoris**

**Juan <de la Cruz>**

**Coloniæ Agrippinæ, 1639**

Approbatio Censoris.

**urn:nbn:de:hbz:466:1-37873**

APPROBATIO  
CENSORIS.

**H**X commissione Adm. Reu. & Eximij Viri ac Domini, Henrici Sierstorpffij, S. Theologiæ Doctoris, Canonici Metropolitanæ, Gymnasij Laurentiani Regentis, & librorum Censoris Ordinarij, legi summa animi voluptate fructuque non exiguo, Theologiam Mysticam, & reliqua Opuscula Spirituality, Adm. Reu. ac Venerabilis P. F. Ioannis à Cruce, primi Discalceati in Ordine reformato; Et inueni in omnibus doctrinam sanam & Catholicam; profundam videlicet scientiam, ac sapientiam propè cœlestem, lucemque & suauitatem admirabilem prorsus, & diuinitus animæ illius infusam, qua humanam mentem mysticus ille Doctor, sic ab omni re creata, in supremum cœli Numen dirigit ac transfert, sic supra se eleuat & extollit, vt singulis penè verbis diuini amoris flammæ, incredibili quadam Canticorum suorum spiritualium energia in legentis coreuibret & diffundat, illudque & omni gaudio & lætitiâ spirituali repleat, & Deo creatori suo coniunctissimè vniat. Erit opus istud in exercitio spirituali multis voluptatis torrens, fons vitæ, lumen indeficiens, & fidei & spei & charitatis, delicatissimaque cum Deo in immensis cum gratiæ, tum gloriæ suæ thesauris acquirendis connexio & vnio, discretio Spirituum infallibilis, reuelationumque & visionū, ne quis exeret, norma & regula ad perfectionis cursum certissima. Prodit nunc ex Hispanico idiomate in Latium eleganter conuersum, & quem fructum edidit hæctenus in vna Orbis parte, in totum de cætero iucunditate simul & vtilitate eximia diffundet. Accedat Lector Catholicus tuus, mystico iam patefacto sensu, hauriatque de fontibus Saluatoris, quæ ipse in perfectionis via sanus bibat, & alijs non sine diuino fœnore, ad æternam animarum salutem propinet. Ita censeo ad tutelaris Angeli ductum, cuius hodie festum in Vbijs peragitur. Colonia Agrippinæ Anno reparatæ salutis 1639. 2. Octobr. ad S. Petrum in area D. Cæciliæ Virginis ac Martyris.

*Arnoldus Meshouius Lippiensis, S. Theol.  
Licentiatus, Pastor S. Petri, in  
Colonia m.p.*

ELO.